

Meissenn zu dem capittell vnnnd der herenn des capittels zu seiner lieb, sall eß gehalten werden in massenn wie vor alders vnd von den vorigen bischouen vnnnd capittellenn gescheenn vnnnd gehalten ist worden. Zum dritten vmb alle vnd itzliche gebrechenn, wie die vor vnns furbracht vnnnd vorhortt, sall inhalt irer ordinacion durch vier nachbestimpte zu niderlegunge aller irer gebrechen vor vns bracht auf zzeit vnnnder sich zuuoreynigen gehalten werden, dorzu vnnsere here vnd freund vonn Meissenn die wirdigenn hochgelernten vnnsere lieben andechtigen doctorem Andream Gorlitz vnnnd doctorem Marcum von Glogaw, techant vnd capittell doctorem Sigismundum Pflug vnnnd doctorem Johannem Konigsberg irnannt vnnnd gegeben haben, also das die selbenn vier allenthalbenn frey vntorstrickt, doch vnnabebrechlich der ordinacion stehenn vnnnd auf yr pflicht lauts der ordinacion erklerenn vnnnd sprechenn sollenn. Was danne von den vierenn erkleret vnnnd gesprochen wirdet, sall vonn beiden teiln gehalten vnnnd verfolgt werden. Sunder itzunt vmb die stadt des zusamnekommens, zollenn sich vnnsere here vnnnd freund auch die capittell hernn von Meissenn vnnnder einander vortragenn, ab sie aber des zweispel digk vnnnd sich nicht vortragenn konnden, sollen die obgedachten vier die stadt zuirnenen haben sich sollichs zu vnnnderredenn vnd zuuortragenn, mugen die vier yr zusamme kommen deßhalben thun, wo ynn gelegenn vnnnd gefelligk sey. Dormit sollen aller vnnwille vnnnd vordriß der obenangezeigten gebrechenn halben zwuschen vnnserrn hernn vnd freund von Meissen techannd vnd capittell erhaben vnnnd erwachssenn hingelegt aufgehabenn vnnnd thot sein. Zuurkunde mit vnnserrn zuruckgedrucktem secret vorsigelt vnnnd gescheen zu Dreßdenn am montage noch santt Veyts tage anno domini etc. nonagesimo.

Nach dem Orig. auf Papier im Stiftsarchiv zu Meissen mit dem Siegel.

No. 1273. 1490. 1. Sept.

Sigismundus Pflug, Probst zum Hayne, Thomas Naßo Pfarrer, Nikolaus Karlstadt, Ludovicus Gottze Domherren und das ganze Capitel der Stiftskirche S. Georgen des h. Martyrers zu Tzschy low bei Meissen bekennen, dass der Domherr Nicklas Hildebrandt Obedientiar der Obedienz genant die Niederfehre das dasige Vorwerk mit Vorwissen des Meissner Domcapitels vererbt hat, die Käufer desselben aber den von demselben an den glockener vnd kirchen diener der stiftkirchen zu s. Georgen jährlich abzugebenden Scheffel Korn für drei gute Schock der besten Münze abgelöst und da der Pfarrer Thomas Naßo diese zu den Gebäuden seiner Pfarrei verwendet hat, dieser und alle künftigen Pfarrer zu Zscheila verpflichtet sein sollen zu gewähren czu ewigen gezeiten eynem glockener — einen scheffel korn, vnschedelichen derselbigen kirchen tzweyen thumherren, den ein pfarrer pfeget ierliche pension als nehmlichen iglichem drey gute schogk zu geben zc. Gegeben zu Meissen — im neuntzigisten iare am mittwoch nach decollationis Johannis.

Nach einer Abschrift vom Orig. in Ursinus dipl. Misn. I. 422^b. (Hasche) Magazin d. sächs. Gesch. VII. 167.